

六  
典  
通  
考

六典通考卷一百七

湖西閻鎮珩輯

禮制考

諸侯廟

陳氏禮書公侯伯子男其衣服宮室車旗等衰雖殊其立五廟一也附庸之封雖不能五十里亦國君爾故亦五廟春秋書紀季以鄫入於齊公羊傳曰紀季請後五廟以存姑姊妹則附庸之廟與諸侯同可知也孔穎達曰若異姓始封如太公之屬得立五廟從諸侯禮然王者始受命所立不過四廟諸侯初封蓋亦廟止高祖而已謂得立五廟無是理也玉藻曰皮弁以聽朔於太廟

而朔祭有牲是月祭及太祖也祭法謂王考皇考月祭之顯考祖考享嘗乃止非禮意也穀梁曰諸侯受朔於禘廟其說無據

禮記王制諸侯五廟二昭二穆與太祖之廟而五太祖始封之後不為始祭法諸侯立五廟一壇一墀曰考廟曰王考

廟曰皇考廟皆月祭之顯考廟祖考廟享嘗乃止去祖為壇去壇為墀壇墀有禱焉祭之無禱乃止去墀為鬼疏諸侯立五廟一壇

一墀者降天子故止有五廟墀與天子同無功德之祖為二祧也詩大雅緜其繩則直縮版以載作廟翼翼宮室宗廟為先底庫為次居室為後

春秋文公十有三年世室壞公羊傳世室魯公之廟也周公稱太廟魯公稱世室羣公稱宮此魯公之廟也曷為謂之世

室世室猶世室也世世不毀也周公何以稱太廟於魯封魯公以爲周公也穀梁傳太室屋壞者有壞道也譏不修也禮宗廟之事君親割夫人親春敬之至也爲社稷之主而先君之廟廢極稱之志不敬也 哀公三年五月辛卯桓宮僖宮

災左氏傳孔子在陳聞火曰其桓僖乎言桓僖親盡而廟不毀宜爲天所災公

羊傳此皆毀廟也其言災何復立也何以書記災也災不立

後漢獻帝封曹操爲魏公依諸侯禮立五廟於鄴後進爵爲

王無所改易曹操春祠令曰議者以爲祠廟上殿當解履吾受錫命帶劍不解履上殿今有事於廟而解履

是尊先公而替王命敬父祖而簡君主故吾不敢解履上殿也又臨祭就洗以手擬水而不盥夫盥以潔爲敬未聞擬而

不盥之禮且祭神而神在故吾親受水而盥也又降神禮訖下階就幕而立須奏樂畢竟似若不愆烈祖遲祭不速訖也

故吾坐俟樂闋送神乃起也受胙納神以授侍中此爲恭敬不終實也古者親執祭祀祀故吾親納於神終抱而歸也仲尼

六典通考 卷一百七 二

曰雖違眾吾從  
下誠哉斯言也

晉中山王睦上言乞依六蓼之祀皋陶杞鄫之祀相立廟案  
睦王譙之弟兄弟俱封今求各立禰廟下太常議博士祭酒  
劉熹等議王制諸侯五廟是則立始祖爲嫡統承重一人得  
立祖禰之廟羣弟雖並爲諸侯始封之君未得立廟也唯令  
正統當立祖廟中山不得並也後代中山乃得爲睦立廟爲  
後代子孫之始耳司徒荀顗議以爲宜各得立廟時詔從顗  
議又詔曰禮諸侯二昭穆與太祖之廟而五太祖卽始封  
君也其廟不毀前詔以讓王中山王父非諸侯尊同禮不相  
厭故欲令得各祭以申私恩也然考之典禮事不經通若安  
平王諸子並封皆得立廟祭稱親盡數終其廟當毀無故下

食支庶之國猥更隨昭穆而廢非尊祖敬宗之義也其如前  
奏施行虞喜曰譙與中山王皆始封之君父非諸侯尊同體  
敵無所爲厭並立禰廟恩情兩伸苟議是也詔書所諭恐非  
禮意令上祭四代自以諸侯位尊得伸其恩祭及四代不論  
毀且不毀爲始封之君則譙王雖承父統禰廟亦在應毀之  
例不得長立也又安平獻王自爲始封諸子雖別封而同爲  
諸侯諸侯尊同故不復各立此則公子爲諸侯不得立禰廟  
也而譙王父非諸侯使與諸侯同列不得並祭或難曰禮庶  
子不祭禰明其宗也若俱得祭父則並統二嫡非明其宗也  
答曰若宗子與庶子位俱爲士禰已有廟無爲重設與公子  
爲諸侯不立禰廟同也若尊卑不同則已恩得施並祭無嫌

也禮大夫下太祖百世不遷者也使大夫之後有庶子爲諸侯者當上祭四代四代之前不得復祭若當奪宗則大夫太祖爲廢其祀以此推之明得兼祭徐禪非荀是虞曰愚等謂尊祖敬宗禮之所同若列國秩同則祭歸嫡子所以明宗也嫡輕庶重禮有兼享所以致孝也今譙王爲長旣享用重祿中山之祀無以加焉二國兩祭禮無所取詔書禁之是也詔稱安平獻王諸子並封不可各令立廟是荀勗之議美矣然虞謂中山父非諸侯而祭更闕疑如禮意也虞徵士答衛將軍虞喜以嫡爲大夫庶爲諸侯諸侯禮重應各立廟禪謂爲允矣喜曰尊同體敵恩情兩伸諸兄弟俱始爲諸侯命數無降今士庶始封之君尙得上祭四代不拘於嫡以貴異之

况已尊同五等更嫌不得其均用豐禮並祭四代所以寵之  
理非僭宗昔周公有王功魯立文王之廟鄭有平王東遷之  
勳特令祖厲是爲榮之非許享之祭在於周室魯鄭豈得過  
之哉 晉安昌公荀氏進封大國祭六代荀氏祠制云今祭  
六代未立廟薨以  
應事爲祭室須  
立廟如制備 或問諸侯廟博士孫毓議曰禮諸侯五廟  
二昭二穆及太祖也今之諸王實古諸侯也諸侯不得祖天  
子當以始封之君爲太祖百代不遷或謂之祧其非始封親  
盡則遷其冲幼紹位未踰年而薨者依漢舊制不列於宗廟  
四時祭祀於寢而已又王氏問謝沈云祖父特進衛將軍海  
陵亭侯應立五廟不沈答亭侯雖小然特進位高似諸侯  
也又問曾祖父侍御史得入特進恭侯廟不答父爲士子爲



諸侯尸以士服祭以諸侯之禮御史雖爲士應自入恭侯廟也邵戢議桓宣武公立廟云禮父爲士子爲諸侯祭以諸侯則宜立親廟四封君之子則封君之高祖親盡廟毀封君之孫則封君之曾祖親盡廟毀封君之曾孫則封君之祖親盡廟毀封君之元孫則封君之父親盡廟毀封君元孫之子則封君親盡廟宜毀然以太廟不毀五廟之數於是始備至封君元孫之孫則毀封君之子封君之子元孫之孫復毀封君之孫如此隨代迭毀以至百代

朱劉裕初受晉命爲宋王建宗廟於彭城從諸侯五廟之禮孝武帝孝建元年七月辛酉有司奏東平冲王年穉無後唯殤服五月雖臣不殤君應有主祭而國是追贈又無其臣未

詳毀靈立廟爲當他祔與不輒下禮官詳議太學博士臣徐  
宏議王旣無後追贈無臣殤服旣竟靈便合毀記曰殤與無  
後者從祖祔食又曰士大夫不得祔於諸侯祔於祖之爲士  
大夫者案諸侯不得祔於天子沖王則宜祔諸祖之廟爲王  
者應祔長沙景王廟詔可六年十月丙寅有司奏故晉陵孝  
王子雲未有嗣安廟後三日國臣從權制除釋朔望周忌應  
還臨與不祭之曰誰爲主太常丞庾蔚之議旣葬三日國臣  
從權制除而釋靈筵猶存朔望及期忌諸臣宜還臨哭變服  
衣帙使上卿主祭王旣未有後又無三年服者期親服除之  
而國尙存便宜立廟爲國之始祖服除之曰祖主暫祔食祖  
廟諸王不得祖天子宜祔從祖國廟還居新廟之室未有嗣

之前四時饗薦常使上卿主之七年十一月有司奏晉陵國制孝王廟依廬陵等國例一歲五祭二國以王有衡陽王服今年內不祀尋國未有嗣王三卿主祭應同無服之例者與不左丞徐爰議嗣王未立將來承嗣未知疎近豈宜空計服屬以虧敬詔可八月有司奏故齊敬王子羽將來立後未詳便應作主立廟爲須有後之日未立廟者爲如何處祭祀游擊將軍徐爰議以爲國無後於制除罷始封之君實存承嗣皇子追贈則爲始祖臣不殤君事著前準豈容虛闕烝嘗以俟有後謂立廟作主三卿主祭

北魏神龜初靈太后父司徒胡國珍薨贈太上秦公時疑其廟制太學博士王延業議曰文王世子云五廟之孫祖廟未

雖爲庶人冠娶妻必告鄭元云實四廟而言五廟者容高祖爲始封君之子明始封之君在四世之外正位太祖乃得稱五廟之孫若未有太祖已祀五世則鄭無爲釋高祖爲始封君之子也此先儒精義當今顯證也又喪服傳曰若公子之子孫有封爲國君者則世世祖是人也祖公子鄭元云謂後世爲君者祖此受封之君不得祀別子也公子若在高祖已下則如其親服後世遷之乃毀其廟爾明始封猶在親限故祀止高祖又云如親而遷尤知高祖之父不立廟矣晉初以宣帝是始封之君應爲太祖而以猶在祖位故唯祀徵西已下六世待世世相推宣帝出居太祖之位然後七廟乃備今太上秦公疏爵列土大啟河山傳祚無窮永同帶礪實

有始封之功方成不遷之廟但親在四世之內名班昭穆之序雖應爲太祖而尙在禰位不可遠探高祖之父以合五者之數太祖之室當須世世相推親盡之後乃出居正位以備五廟之典又武始侯本無采地於皇朝制令名準大夫案如禮意諸侯尊宗武始四時烝嘗宜於秦公之廟博士盧觀議諸侯有祖考之廟祭五世之禮五禮正祖爲輕一朝頓立而祖考之廟又待六世之君六世以前虛而蔑主求之聖旨未爲通論曾子問曰廟無虛主虛主惟四祖考不與焉明太祖之廟必不空置且天子逆加二祧得併爲七諸侯預立一祖何爲不得爲五乎今始封君子之立禰廟頗似成王之於二祧且文宣公方爲太祖世居子孫今立五廟竊謂爲是侍中

太傅清河王懌議秦公身是始封之君將爲不遷之祖若以功業隆重起居正室恐以卑臨尊亂昭穆也如其權立始祖以備五廟恐數滿便毀非禮意也昔司馬懿立功於魏爲晉太祖及至子晉公昭乃立五廟亦祀四世至於高曾太祖之位虛俟宣文待其後裔數滿乃止又禮緯云夏四廟至子孫五殷五廟至子孫六周六廟至子孫七明知當時太祖之神仍依昭穆之序要待子孫世世相推然後太祖出居正位耳宜依博士王延業議定立四主親止高曾且虛太祖之位以待子孫而備五廟焉孝靜帝武定六年二月將營齊獻武王廟議定室數形制兼度支尙書崔昂等議案禮諸侯五廟太祖及親廟四今獻武王始封之君便是太祖旣通親廟不容

立五室且帝王親廟亦不過四今宜四室二間兩頭各一夾室厦頭徘徊鴟尾又案禮圖諸侯止開南門而二王後祔祭既隆備物殊等準據今廟宜開四門內院南面開三門餘面及外院四面皆一門其內院牆四面皆架爲步廊三出夾門各置一屋以置禮器及祭服內外門牆並用赭堊廟東門道南置齋坊道北置二坊西爲典祠廡併廚室東爲廟長廡併置車輅其北爲養犧牲之所詔從之

後齊王及五等開國執事官散官從二品以上皆祀五世牲用太牢

唐制凡文武官二品以上祠四廟三品以上須兼爵四廡外有始封祖通祠五廟高宗儀鳳三年於文水縣置太原王武

士護南德宗貞元十三年敕贈太傅馬燧祔廟宜令所司供  
少牢仍給鹵簿

宋高宗時太傅昭慶節度平樂郡王韋淵請建家廟賜以祭  
器淳熙五年權戶部尙書韓彥古請以臨安前洋街賜第建  
父世忠家廟就賜舍宇房楹以給歲時祭祀之用輔臣論世  
忠廟器中書舍人陳騭以禮難行駁之上問本朝羣臣廟制  
如何賜器如何時趙雄等奏仁宗雖因赦論建廟未暇行也  
陸文彥博曾酌唐制爲之未嘗賜器政和始命禮制局範銅  
以錫宰臣蔡京等紹興又用京例賜秦檜其張俊楊存中吳  
玠輩皆援檜以請上曰漢唐而下既未有賜祭器者唯器與  
名不可以假人命禮官攷歷代及本朝之制開禧三年忠州



刺史劉伯震奏祖鄜武僖王光世復辟功請以賜第舊址立家廟從之

明太祖洪武二年立滁陽王廟以祀郭子興至是又立廟墓次祀之以其隣家宥氏世爲奉祀守王墳十六年冬十一月立楊王祠於墓次命有司歲春秋祀之楊王瀉皇后父陳某先是立祠太廟東歲遣大臣祀已而中都守臣上言公葬地在下縣盱眙宜崇華表兼建廟祠太祖曰朕固聞之命中書省建廟盱眙墓次樹神道碑令儒臣宋濂撰文仍設祠祭署及灑掃戶五家癸亥冬敕立滁陽王廟碑於墓所

馬端臨曰諸侯始封之太祖如鄭桓公友是也鄭桓公以周厲王少子而始封於鄭既爲諸侯可以立王廟矣然其

考則厲王祖則夷王曾祖則懿王高祖則共王五世祖則穆王自穆至厲皆天子也諸侯不敢祖天子則此五王之廟不當立於鄭所謂此君之身全無廟也必俟桓公之子然後可立一廟以祀桓公爲太祖桓公之孫然後可立二廟以祀其祖若禰必俟五世之後而鄭國之五廟始備也大夫始爵之太祖則魯季友是也季友爲魯桓公之別子既爲大夫可以立三廟矣然其考則桓公其祖則惠公其曾祖則孝公自孝至桓皆諸侯也大夫不敢祖諸侯則此三公之廟不當立於季氏之家所謂別子亦全無廟也必俟季友之子然後可立一廟以祀季友爲太祖季友之孫然後可立二廟以祀其祖若禰必俟三世之後而季氏之

三廟始備也蓋諸侯大夫雖有五廟三廟之制然方其始爲諸侯大夫也苟非傳襲數世則亦不能備此五廟三廟之禮至於士庶人則古者因生賜姓受姓之後甫及一傳卽有嫡有庶嫡宗子也庶支子也禮云支子不祭祭必告於宗子又云庶子不祭明其宗也蓋謂非大宗則不得祭別子之爲祖者非小宗則各不得祭其四小宗所出之祖禰也後世大宗小宗之法旣亡別子繼別之序已素未嘗專有宗子以主祀事其入仕者又多崛起單寒非時王之支庶不得以不敢祖天子諸侯之說爲諉也乃執大夫三廟適士二廟之制而所祭不及祖禰之上是不以學士大夫自處而孝敬之心薄矣烏得爲禮乎且禮末有無宗者

庶姓有庶姓之宗他國有他國之宗而宗子之制則一也  
曾子問曰宗子爲士庶子爲大夫其祭之也如之何孔子  
曰以上牲祭於宗子之家又問曰宗子去在他國庶子無  
爵而居可以祭乎孔子曰祭哉望墓而爲壇以祭此二條  
正爲起自匹庶與來自他國者言若太公東海人而仕周  
爲諸侯孔子宋人而事魯爲大夫之類是也

### 大夫士廟制

先王之制自天子至于官師皆有廟君子將營宮室宗  
廟爲先居室爲後及秦非笑聖人蕩滅典禮務尊君卑  
臣于是天子之外無敢營宗廟者漢世公卿貴人多建  
祠堂于墓所在都邑則鮮焉魏晉以降漸復廟制其後

遂著于令以官品爲所祀世數之差唐侍中王珪不立私廟爲執法所糾太宗命有司爲之營構以恥之是以唐世貴臣皆有廟及五季亂離禮文大壞士大夫無襲爵故不建廟而四時寓祭于室至宋仁宗慶厯元年始詔文武官依舊式立廟令雖下有司莫之舉也皇祐中文彥博爲相請建家廟劉頌以爲禮有田則祭無田則薦今無土無爵子孫何以繼承宗祀同時宗袞亦請置家廟禮官請以其子孫襲三品勳階及爵庶常得奉祀是皆泥于古而不適于今未可與議禮也其後程朱大儒出乃稍酌古制以爲後法程子之言曰自天子至于庶人五服皆及高祖祭亦宜然若但祭禰是知母而不

知父非人道也朱子以爲深得祭祀本意又引禮大夫有事省于其君于祫及其高祖可爲立三廟而祭其高祖之驗然則廟數多寡雖云不同而祭必及其四親一也

王制大夫三廟一昭一穆與太祖之廟而三

太祖別子始爵者太祖傳曰別子

爲祖謂此雖非別子始爵者亦然

士一廟

謂諸侯之中士下士名曰官師者上士二廟

祭法大

夫立三廟二壇曰考廟曰王考廟曰皇考廟享嘗乃止顯考

祖考無廟有禱焉爲壇祭之去壇爲鬼適士二廟一壇曰考

廟曰王考廟享嘗乃止顯考無廟有禱焉爲壇祭之去壇爲

鬼官師一廟曰考廟王考無廟而祭之去王考爲鬼庶士庶

人無廟死曰鬼

惟天子諸侯有主禘祫大夫有祖考者亦鬼其百世不禘祫無主爾其無祖考者庶士以

下鬼其考王考官師鬼其皇考大夫適士鬼其顯考而已大  
夫祖考謂別子也凡鬼者薦而不祭王制曰大夫有田則祭  
無田則薦適士上士也官師中士下士庶士府史  
之屬此適士云顯考無廟非也當爲皇考字之誤 郊特牲

諸侯不敢祖天子大夫不敢祖諸侯而公廟之設於私家非

禮也由三桓始也

仲孫叔孫季孫氏皆立桓公廟魯以周公之故立文王廟三家見而僭焉

春

秋僖公十五年九月己卯晦震夷伯之廟左氏傳震夷伯之

廟罪之也於是展氏有隱慝焉公羊傳震之者何雷電擊夷

伯之廟者也夷伯者曷爲者也季氏之孚也季氏之孚則微

者其稱夷伯何大之也曷爲大之天戒之故大之也穀梁傳

夷伯魯大夫也因此以見天子至於士皆有廟天子七廟諸

侯五廟大夫三士二故德厚者流光德薄者流卑是以貴始

德之本也始封必爲祖

明夷伯之朝過制

王制庶人祭於寢

寢寢也

禮書庶人之死曰鬼寢而不廟薦而不祭故春薦韭夏薦麥秋薦黍冬薦稻韭以卵麥以魚黍以豚稻以雁取其與新物相宜而已國語曰庶人有魚炙之薦而不及豚雁者舉其所易者言之也然言庶人舍時則與王制異矣古之貴者有正寢有燕寢正寢在外燕寢在內然則庶人祭於寢蓋亦在外之適寢歟聘禮記卿館於大夫大夫館於士士館於工商鄭氏曰官師以上有廟有寢工商則寢而已寢所以館士則在外可知

後齊王及五等開國執事官散官從二品已上皆祀五世五等散品及執事官散官正三品已下從五品已上祭三世三品已上牲用一太牢五品已下少牢執事官正六品已下從



七品已上祭二世用特牲正八品已下達於庶人祭於寢牲用特狔或亦祭祖禰諸廟悉依其宅堂之制其間數各依廟多少爲限其牲皆子孫見官之牲

唐制一品二品四廟天寶十載京官正員四品清望及四品五品清官聽立廟勿限兼爵雖品及而建廟未逮亦聽寢祭廟之制三品以上九架厦兩旁三廟者五間中爲三室左右厦一間前後虛之無重拱藻井室皆爲石室一於西墉二之一近南距地四尺容二主廟垣周之爲南門東門門屋三室而上間以廟增建神廚于廟東之少南齋院於東門之外少北制勿逾于廟三品以上有神主五品以上有几筵牲以少牢羊豕一六品以上特豚不以祖禰貴賤皆子孫之牲牲闕

代以野獸五品以上室異牲六品以下其牲二品以上室以  
邊豆十三品以八四品五品以六五品以上室皆簋二簋二  
甗二鉶二俎二罍二勺二爵六盤一坩一筐一牙盤胙  
俎一祭服三品以上元冕五品以上爵弁六品以下進賢冠  
各以其服凡祔皆給休五日時享皆四日散齋二日于正寢  
致齋一日于廟子孫陪者齋一宿于家始廟則署主而祔後  
喪闋乃祔喪二十八月上旬卜而祔始神事之矣王公之主  
載以輅夫人之主以翟車其餘皆以輿天子以四孟臘享太  
廟諸臣避之祭仲而不臘三歲一禘五歲一禘若祔若常享  
若禘祫卜日齋戒省牲視滌濯鼎鑊享牲實饌三獻飲福受  
胙進退之數大抵如宗廟之祀以國官亞終獻無則以親賓

以子弟其後不卜日而筮用亥祭寢者春秋以分冬夏以至日若祭春分則廢元日然元正歲之始冬至陽之復二節最重祭不欲數乃廢春分通爲四祠器以烏漆差小常制祭服以進賢冠主婦花釵禮衣後或改衣冠從公服無則常服凡祭之在廟在寢旣畢皆親賓子孫慰主人以常服見若宗子有故庶子攝祭則祝曰孝子某使介子某執其常事通祭三代而宗子卑則以上牲祭宗子家祝曰孝子某爲其介子某薦其常事庶子官尊而立廟其主祭則以支庶封官依大宗主祭兄陪於位以廟由弟立已不得延神也或兄弟分官則各祭考姓于正寢凡殤及無後皆祔食於祖無祝而不拜設座祖左而西向亞獻者奠祝乃奠之一獻而止其後廟制設

西

祭有樂不克立五廟而立三廟不銘于鼎而銘于碑憲宗元和七年十一月太子少傅判太常卿事鄭餘慶建立私廟將祔四代神主廟有二夫人疑于祔配請禮院詳定修撰官太學博士韋公肅議曰古者一娶九女自秦漢已下不行此禮遂有再娶之說前娶後繼並是正嫡則偕祔之義于禮無嫌謹案晉驃騎大將軍溫嶠相繼有三妻疑並爲夫人以問太學博士陳舒議以妻雖先沒榮辱並隨夫也禮祔于祖姑祖姑有三人則各祔舅之所生如其禮意三人皆夫人也秦漢以來諸侯不復一娶九女旣生娶以正禮沒不可貶自後諸儒咸用舒議且嫡繼于古則有殊制于今則無異等今王公再娶無非禮聘所以祔配之議不得不同至於卿士之家寢祭亦二妻位同几席豈廟

率之禮而有異乎是知古者廟無不嫡防姪娣之爭競今無所施矣古之繼室皆媵妾也今之繼室皆嫡妻也不宜援古一娶九女之制也而使子孫祭享不及或曰春秋聲子不入魯侯之廟如之何謹案魯惠公元妃孟子孟子卒繼室以聲子聲子之姪娣非正也自不合入惠公之廟明矣又武公生仲子則仲子歸于魯生桓公而惠公薨立宮而奉之追成父志別爲宮也尋求禮意則當然矣未見前例如之何謹案晉南昌府君廟有荀氏薛氏景帝有夏侯氏羊氏聖朝睿宗廟有昭成皇后竇氏肅明皇后劉氏故太師顏魯公祖廟有夫人柳氏其流甚多不可悉數略稽禮文參諸故事二夫人並附于禮爲宜宣宗大中五年十一月太常禮院奏會昌五年

二月一日敕旨百官並不得京內置廟如欲于京內置廟者但準古禮於所居處置卽不失敬親之禮者伏以武宗時緣南郊行事見天門街左右諸坊有人家私廟遂令禁斷且不欲令御路左右有廟宇許令私第內置則近北諸坊漸逼宮闕十年之內悉是人家私廟今若人家居地寬廣或隣里可吞併者必便置廟以展孝思或居處褊狹隣近無可開廣者便是終身廢廟享之榮公私情理皆極不便奉今月一日敕宜依所奏下太常禮院審詳制度分析奏聞者伏以事亡如存典禮攸重今百官悉在京師若不許于京內置廟則烝嘗之禮難復躬親孝思之心或乖薦奠若悉令于居處置廟又緣近北諸坊便於朝謁百官第宅布列坊中其間雜以居人

棟宇悉皆連接今廣開則鄰無隙地廢廟貌則禮闕敬親若令依會昌五年敕文盡勒于所居置廟兼恐十數年間私廟漸逼于宮牆齊人必苦于吞併臣具詳本末冀便公私今請夾天門街左右諸坊不得立私廟其餘園外遠坊任取舊廟及擇宮間地建立廟宇應立廟之初先取禮司詳定兼請準開元禮二品以上祠四廟三品祠三廟三品以下不須爵者四廟外有始封通祠五廟三品以上不得過九架並厦兩頭其三室廟制合造五間其中三間隔爲三室兩頭各厦一間虛之前後亦虛之每室廟垣合開南門東門並有門屋餘並請準開元禮及曲臺禮爲定制

朱子文集答郭子從問影堂序位曰古者一世自爲一廟



有門有堂有寢凡屋三重而牆四周焉自後漢以來乃爲同堂異室之廟一世一室而以西爲上如韓文中家廟碑有祭初室祭東室之語今國家亦用此制故士大夫家亦無一世一廟之法而一世一室之制亦不能備故溫公諸家祭禮皆用以右爲尊之說獨文潞公嘗立家廟今溫公集中有碑載其制度頗詳亦是一世一室而以右爲上大抵今士大夫家只當且以溫公之法爲定也

宋皇祐二年禮官詳定家廟制度官正一品平章事以上立四廟樞密使知樞密院事參知政事樞密副使同知樞密院事簽書院事見任前任同宣徽使尙書節度使東宮少保以上皆立三廟餘官祭于寢凡得立廟者使嫡子襲爵以主祭

其襲爵世降一等死卽不得作主祔廟別祭于寢自當立廟者卽祔其主其子孫承代不計廟祭寢祭並以世數疏數遷祧始得立廟者不祧以比始封有不祧者通祭四廟五廟廟因眾子立而嫡長子在則祭以適長子主之適長子死卽不傳其子而傳立廟者之子凡立廟聽于京師或所居州縣其在京師者不得于裏城及南郊御路之側仍別議襲爵之制旣以有廟者之子孫或官微不可以承祭而朝廷又難盡推襲爵之恩事竟不行嘉祐三年禮部尙書同中書門下平章事文彥博言伏覩禮官詳定家廟制度平章事以上許立四廟臣欲乞于河南府營創私廟乞降敕指揮從之

文潞公先廟碑記慶

歷元年因郊祀赦聽文武官依舊式立家廟令雖下有司莫之舉士大夫亦以耳目不經往往不知廟之可設于家也

祐二年天子宗祀禮成平章事宋公奏言請下禮官儒臣議定制于是翰林承旨而下共奏請自平章事以上立四廟東宮少保以上三廟其餘器服儀範俟更參酌以聞是歲十二月詔如其請既而在職者違慢相尚迄今廟制卒不立公卿亦安故習常得諉以爲辭無肯倡眾爲之者獨平章事文公首奏乞立廟河南明年七月有詔可之然尚未知築構之式應所循依至和初西鎮長安訪唐廟之存者得杜岐公遺跡止餘一堂四室及旁兩翼嘉祐元年始斂而營之三年增置前兩廡及門東廡以藏祭器西廡以藏家譜齋坊在中門之右省牲展饌滌濯在中門之左庖廚在其東南其外門再重西折而南出四年秋廟成公以入輔出藩未嘗踰時安處于洛元豐三年秋畱守西都始營廟而祀焉公以廟制未備不敢作主用舊蒔安昌公祠制作神板采唐周元陽議祀以元日寒食春秋分冬至致齋一日又以或受詔之四方不常其居乃酌古諸侯載遷主之義作大觀二年議禮局言車奉神板以行此皆禮之從宜者也

先王制禮以齊萬有不同之情賤者不得僭貴者不得踰故事二世者雖有孝思追遠之心無得而越事五世者亦當跂以及焉今恐奪人之恩而使通祭三世徇流俗之情非先王

制禮等差之義可文臣執政官武臣節度使以上祭五世文  
武升朝官祭三世餘祭二世應有私第者立廟于門內之左  
如狹隘聽於私第之側力所不及仍許隨宜又詔古者寢不  
踰廟禮之廢失久矣士庶堂寢踰度僭禮有七楹九楹者若  
一旦使就五世三世之數則當徹毀居宇以應禮制豈得爲  
易行可自今立廟其間數視所祭世數寢間數不得踰廟事  
二世者寢聽用二間議禮局言禮記王制諸侯五廟二昭二  
穆與太祖之廟而五所謂太者蓋始封之祖不必五世又非  
臣下所可通稱今高祖以上一祖未有名稱欲乞稱五世祖  
其家廟祭器正一品每室遵豆各十有二簠簋各四壺尊罍  
鉶鼎俎篚各二尊罍加勺翼各一爵各一諸室共用胙俎罍

洗一從一品籩豆簋簠降殺以兩正二品籩豆各八簋簠各二餘皆如正一品之數南渡以後楊存中吳璘虞允文皆援例請立家廟賜祭器而存中又許祭五世前所無也嘉定十四年八月詔右丞相史彌遠賜第遵淳熙故事賜家廟命臨安守臣營之禮官討論祭器並如侂冑之制彌遠請併生母齊國夫人周氏及祔妻魯國夫人潘氏於生母別廟皆下有司賜器紹定六年十二月戊寅史宅之繳納賜第詔給賜本家仍奉家廟景定三年正月賜賈似道第宅於集芳園給緡錢百萬就建家廟

朱子曰古者諸侯五廟所謂二昭二穆者高祖以下四世有服之親也所謂太祖者始封之君百世不毀之廟也今

世公侯有家而無國則不得有太祖之廟矣故至和四廟  
所謂二昭二穆四世有服之親而無太祖之廟其於古制  
雖若不同而實不害於得其意也又況古者天子之三公  
八命及其出封然後得用諸侯之禮蓋仕於王朝者其禮  
反有所厭而不得伸則今之公卿宜亦未得全用諸侯之  
禮也禮家又言夏四廟至于孫而五則是凡立五廟者亦  
是五世以後始封之君正東向之位然後得備其數非於  
今日立廟之初便立太祖之廟也政和之制蓋皆不考乎  
此故二昭二穆之上通數高祖之父以備五世夫旣非始  
封之君又已親盡而服絕矣乃苟以備夫五世而祀之於  
義何所當乎至於大夫三廟說者以爲天子諸侯之大夫

皆同蓋古者天子之大夫與諸侯之大夫品秩之數不甚相遠故其制可以如此若今之世則唯侍從官以上乃可以稱天子之大夫至諸侯之大夫則州鎮之幕職官而已爾是安可拘於古制而使用一等之禮哉故至和之制專以天子之大夫爲法亦深得制禮之意但其自東宮三少而上乃得爲大夫則疑未盡而適士二廟官師一廟之制亦有所未備焉耳政和之制固未必深考古者天子諸侯之大夫同爲一等之說然其意實近之但自侍從至陞朝官並爲一法則亦太無隆殺之辨矣

明太祖洪武六年春詔定公侯以下家廟禮儀時禮部官議奏云凡公侯品官別立祠堂三間於所居之東以祀高曾祖

考併祔位如祠堂未備奉主於中堂享祭二品以上羊二豕  
二五品以上羊一豕一皆分四體熟而薦之不能具牲者設  
饌享之所用器皿隨官品第稱家有無祭之前二日主祭者  
間於上免朝參凡祭四仲之月擇吉日或春秋分冬夏至亦  
可前期一日主祭者致齋執事者灑埽祭所陳設如儀親監  
宰牲是晚主婦監造祭饌是夕主祭以下沐浴更衣宿於外  
舍明日率祭者盥洗訖詣祭堂捧正位祔位神主櫝各置於  
一盤令親子弟各一人捧至祭所主祭者開櫝捧各祖考神  
主主婦開櫝捧各祖妣神主以安奉於位子弟捧祔食神主  
置於東西壁邊執事者進饌讀祝者一人就讀祝位贊禮以  
子弟親族爲之陳設各神位訖各就位主祭在東伯叔諸兄



立於其前稍西諸親立於其後主婦在西諸母立於其前稍西婦女立於其後讚拜主祭主婦以下皆拜主祭者詣香案前跪三上香奠酒於高祖考前由曾祖而下皆如之執事者酌酒於祔位前讀祝臨讀訖讚拜主祭復位與諸婦皆再拜亞獻終獻亦如之唯不讀祝每獻執事者於祔位奠酌酒獻畢贊拜主祭婦以下復再拜焚祝併紙錢於中庭禮畢主祭者安神主於櫝如初是日設筵享祭饌男女異席餘胙分諸親友及下執事制曰可祠堂三間外爲中門中門外爲兩階地廣狹以屋覆之令可容家眾敍立又爲遺書衣服祭器庫及神廚於其東繚以周垣別爲外門常加扇閉祠堂之內以近北一架爲四龕每龕內置一卓高祖居西曾祖次之祖次之父次之神主皆藏於櫝中置於卓上南面龕外各垂小簾簾外設香案於堂中置香爐香合於其上兩階之間又設香卓亦如之若家貧地狹則止爲一間不立廚庫而東西壁下

置立兩廡西廡遺書衣物東廡祭器亦可地狹則於廳事之東亦可嘉靖十五年禮官疏請官自三品以上爲五廟以下皆四廟爲五廟者亦如唐制五間九架厦兩旁隔板爲五室中祔五世祖旁四室祔高曾祖禰爲四廟者三間五架中爲一室祔高曾左右爲二室祔祖禰若當祀始祖先祖則如朱熹所云臨祭時作紙牌祭訖焚之然三品以上雖得爲五廟若上無應立廟之祖不得爲世祀不遷之祖惟以第五世之祖奉爲五世只名曰五世祖必待世窮數盡則以今之得立廟者爲世祀之祖世祀而不遷焉四品以下無此祖也惟四世遞遷而已至於牲牢俎豆等物惟依官品而設不得同也蓋古者於四親之廟有日祭月祀時享數疏之不同今不可考然而皆在祭中不可缺廢則貴

賤一也是以因其可知而缺其不可知是亦厚於孝養而不爲過也若夫庶人祭於寢無可說矣伏乞詔令天下使大小士庶皆得據而爲之

諸侯大夫士祭儀

將祭主人各服其服筮於廟門外五等諸侯皆服元冕二王

於周公廟服袞冕大夫以日用丁巳內事用柔日必丁巳者

朝服士以元冠元端也改皆以爲敬謹也必先取其令名自丁巳自變

曰來月丁亥用薦歲事丁者未必遇亥也宜舉一日以言之

既得日吉乃官戒宗人命滌宰命爲酒宿戒尸先宿尸者重

明日朝服筮尸吉乃遂宿尸祝儻筮吉又遂宿尸重尸也明

日主人朝服卽廟門外東方位南面宰宗人西面北上牲北

首東上司馬判羊司士擊豕宗人告備乃退既省告備乃殺也此

雍縣在門東南北上特牲饋食禮陳鼎於門外北面樹在南

告先雍人作豕崔靈恩云二王司官擬豆爵解於東堂下

雍人陳鼎五外禮主婦視饌饗於西堂下享於門司馬升羊

右胖骨十一體腸胃祭肺各三舉肺一升上也脾不升近竅

士升豕如升胖雍人掄膚九實於一鼎掄擇也膚負革司士

又升魚腊司宮饌兩無武音於戶間有元酒小祝設槃匝餘之

於西階東將主人朝服立於阼階司宮設筵於奧祝設几

於筵上右之布神座也室中主人出迎鼎主人先入尊有司

各升實豆爵俎祝盥升西階主人盥升阼階祝先入南面

主人從入戶內西面將納祭也祝先接神也士禮則主婦被

六典通考卷一百七

鬻他計反

衣侈袂薦自東房

士禮主婦纓笄宵衣盥自中房薦

國盛服侯伯夫人則服愉狄子男及三公大夫夫人則服狄佐食司士序升西階相從設俎

主婦設稷興入房祝酌奠祝主人再拜祝出迎尸尸升西階

祝從尸升筵祝主人皆拜妥尸尸不言答拜遂坐拜之使安

此答拜遂坐尸祭卒食飽告主人酌酒醕尸尸拜受主人拜送

尸祭啐卒爵祝酌授尸尸酢主人主人卒爵祝與佐食盥手

取黍以授尸尸執以命祝祝受以東嘏於主人其辭曰皇尸

多福無疆於汝孝孫來汝孝孫使汝受祿於天宜稼於田眉壽萬年主人再拜稽首受黍嘗之

納諸內至也主人獻祝又酌獻佐食主婦酌獻尸受

主婦拜送

酒卒爵又酢主婦主婦酌獻祝與上佐食亦

尸酢賓主人出立於阼階祝立西階告曰

利成利養也成畢也

祝入尸護主人降祝先尸從遂出於廟

門事尸之禮訖於廟門崔靈恩云二王後各得行其先王之

禮尸各服其君之服尸君夫人入皆作樂殷人先樂降神後

酌鬱鬯以獻尸方伯之祭同服冕行九獻之法不得同二王

後食前六獻食後之當食前四至酌爲五更行四獻爲九也

王之兄弟封爲侯伯時祭則尸坐南面主在東面侯伯則行

七獻之禮子男則行五獻之禮皆依其命數凡五等之爵自

祭皆用元冕未賜珪瓚者不以鬱鬯直以酒灌神也凡諸侯

灌用黃目爲上齊則獻象以下尸如君服以入奏肆夏君與

夫人灌各一獻然迎牲麗於碑鸞刀啟其毛血以授祝祝入

詔於室及殺始行朝踐之事尸南面主在西東面取腍胫燎

於爐炭入詔神於室夫人酌盎齊以獻尸爲三獻至薦熟時  
先以羹先設饌於堂後迎尸於奧君拜安尸酌清酒以獻爲  
四獻至酌五獻酬酢至七獻禮成

六典通考卷一百八

湖西閻鎮珩輯

禮制考

四時祭

堯帝作七廟以享先祖祭以其氣迎牲殺於庭毛血詔于室以降神然後樂作所以交神明也帝舜踐天子之位春禘夏禘秋嘗冬烝所以報本反始也其祭尙氣郊特牲云血腥爛祭用氣也法先迎牲殺之取血告於室以降其神然後用樂而行祭事其祭貴首夏后時祭之名因有虞其祭貴心殷禴禘嘗烝亦因虞夏之制王制云春禴夏禘秋嘗冬烝

鄭元云此夏殷之法

其祭尙聲郊特牲云



臭味未成滌蕩其聲樂三闋然後出迎牲聲音之號所以昭告於天地之間也

滌蕩猶搖蕩也

其祭貴肝周祭春曰祠

夏曰禴秋曰嘗冬曰烝以禘爲殷祭之名其祭尙臭郊

特牲云周人尙臭灌用鬯臭鬱合鬯臭陰達於淵既灌

然後迎牲致陰氣也

灌謂以珪瓚酌鬯始獻神已乃迎牲于庭殺之

其祭貴

肺行九獻之禮

大宗伯以祠春享先王以禴夏享先王以嘗秋享先王以烝

冬享先王 小宗伯掌四時祭祀之序事與其禮 司尊彝

春祠夏禴秋嘗冬烝 肆師以歲時序其祭祀 祭義祭不

欲數數則煩煩則不敬祭不欲疏疏則怠怠則忘是故君子

合諸天道春禘秋嘗霜露既降君子履之必有懷愴之心非

其寒之謂也春雨露既濡君子履之必有怵惕之心如將見

之樂以迎來哀以送往故禘有樂而嘗無樂合于天道因四

感時念親則以此祭之也春禘夏殷禮也周以禘為殷祭更

名春祭曰祠非其寒之謂謂懷愴及怵惕皆感時念親也霜

露既降脫秋字迎來而樂樂親之將祭統凡祭有四時春

來也送去而哀哀其享否不可知也祭曰禴夏祭曰禘秋祭曰嘗冬祭曰烝謂夏

祭曰禴夏祭曰禘秋祭曰嘗冬祭曰烝殷禮禘陽義也嘗

烝陰義也禘者陽之盛也嘗者陰之盛也故曰莫重於禘嘗

古者之於禘也發爵賜服順陽義也於嘗也出田邑發秋政

順陰義也故記曰嘗之日發公室示賞也草艾則墨未發秋

政則民弗敢草也左傳始殺而嘗陰陽始殺嘉穀始閉蟄

而烝昆蟲閉戶萬物皆成可桓公八年春正月己卯烝公

羊傳烝者何冬祭也常事不書此何以書譏亟也亟則顯顯

則不敬君子之祭也敬則不黷疏則怠怠則忘士不及茲四

者則冬不裘夏不葛四者四時祭也疏數之節靡所折中是故君子合諸天道感四時物而思親也

祭必于夏之五月者穀梁傳烝冬事也春興之志不時也春取其見新之月也

日祠薦尚韭卯夏祭日禴薦尚麥魚秋祭日嘗薦尚黍肫冬祭日烝薦尚稻雁無牲而祭日薦薦而加牲日祭

五月丁丑烝齊夏興之志不敬也通典祭之日王服袞冕

而入廟工則奏以王夏王入立於東序后則副禕而入立於

西序尸入之後乃就於西房轉就西房者所以放陰陽之義禮器云大明生於東月生於西

陰陽之分夫婦之位也尸服袞冕而入工則奏肆夏王及於室而不迎

尸祭統云君迎牲而不迎尸所以別嫌也於是王以珪瓚酌雞彝之鬱鬯以獻

尸尸以裸地降神尸祭之啐之奠之此為裸神之一獻也后

乃以璋瓚酌鳥彝之鬱鬯以獻尸尸祭之奠之啐之此為三

獻也王乃袒而迎牲於門牲入門則奏昭夏王親牽牲公卿

大夫執幣以從入而告於庭云博碩肥腍王乃麗牲於碑親

執鸞刀啟其毛血以授於祝祝入告於幽全之義遂乃殺牲

始行朝踐之事凡牲廟用一牢公羊傳曰周公白牡魯公駢剛羣公不毛朝踐之

事尸出於室坐於戶西南面主在西東面郊特牲云詔祝於室坐尸於堂鄭元

注云謂朝踐時迎尸於外時尸主之前薦以遵豆脯醢而已乃取牲腍臂

燎於爐炭入以詔神於室於時王親洗肝於鬱鬯而燔之以

醢於主主人親制其肝所謂制祭也次乃升牲首於室中北

墀下尊首尚氣之義也時又薦腥於尸主之前謂之朝踐於

時王乃以玉爵酌獻后獻及爵中醴齊以獻此三獻也后於

是薦朝事之遵豆時堂上以夾鍾之調歌堂下以無射之調

作大武之樂后於是亦以玉爵酌獻爵醴齊以獻尸此四獻

也時堂下之樂亦然也於時王自阼階而西酌獻后從西階

東酌獻

所謂禮交動乎上樂交應乎下

至薦熟之時謂之饋食先薦熟於堂

視陳此設饌之禮非謂即食

設饌之時王及尸皆有倚住之處設機於傍

故云變機也設席之後更設尸主之席於堂在戶內西方東

面尸在其北布尸主席訖乃遷所設於堂上之饌置尸主坐

前時祝又以尊酌奠奠於饌南所謂天子奠尊又取腸間脂

燭之蕭合羶薌

鄭云羶當爲薌字之誤

燎於爐炭所謂臭陽達於墻屋

乃迎尸主入室卽席舉奠尊將祭之時祝則詔王拜妥尸

特郊

牲云舉尊角詔妥尸是也

拜訖尸遂祭酒以菁茅謂之縮酒

左傳云爾貢苞茅不入王

祭不供無以縮酒

尸遂啐之奠之尸九坐如是王以玉爵酌象罇盞

齊以獻尸五獻也時后薦饋食之遵豆又以玉爵酌象罇醴

齊以獻尸此六獻也

王及后每獻皆作樂如初

尸食訖王以玉爵酌朝踐

之獻罇醴齊以酌尸謂之朝獻亦罇相因此七獻也后薦加

事之豆遵尸飲七王可以獻公尸飲訖授祝祝酌清酒以授

尸尸以酢王王乃設酢席於戶內尸少祭饌黍稷併假福王

王乃以出量人與鬱人受之

周禮宗伯職云量人與鬱人受舉尊之卒爵

后以玉

爵酌饌食象罇之盎齊以獻尸曰再獻亦罇之相因尸酢后

如王之法后飲酢酒此八獻也尸飲八王可以獻卿諸侯爲

賓者以玉爵酌盎齊備卒食三獻合九獻凡王及后各四諸

侯爲賓者一也尸飲九王可以獻大夫士

取惠均於下之義

尸飲訖

又酢諸臣如后之法自九獻之後遂降冕而撫干舞大武之

六典通考卷一百八

四

樂以樂尸

祭統云君執干戚就舞位冕而總干率其羣臣以樂皇尸

九獻之後更為嗣子

舉奠與諸臣進獻更行三爵皆謂之加爵則用壁散壁角

明堂

位云用壁角

即行旅酬無算之爵樂作亦然旅酬既訖則尸出口

出之後則嗣子餞之

文主世子云登飲受爵以上嗣尊祖之禮元注云上嗣祖之上

厥明

更以一牢釋於紡

於廟門之外而行其禮

其四時新物皆先薦寢廟而

後食二月獻羔開冰

春分方溫獻羔以祭司寒而後開冰左傳曰北陸而藏冰西陸朝覲而出之先

薦寢廟而後食

四月以絺嘗麥

麥之新氣方盛以食之故其熟

七月登穀

黍稷之屬於是

月始熟而先薦

八月嘗麻九月嘗稻

皆初熟而薦之

十二月嘗魚

此時魚得陽氣潔美

春秋繁露古者歲四祭四祭者因四時之所生熟而祭其

先祖父母也故春曰祠夏曰禴秋曰嘗冬曰烝此言不失

其時以奉祀先祖也過時不祭則失為天子之道也祠者

以正月始食韭也禴者以四月食麥也嘗者以七月嘗黍稷也烝者以十月進初稻也此天之經也地之義也

漢舊儀宗廟八月飲酎用九太牢皇帝侍祠寢廟月一大牢四上食十二月一太牢餽食與閏月十三嘗祠正月嘗雉又嘗羔六月嘗黍七月歲事八月嘗酎特牛九月嘗鴈十月嘗稻十一月歲事及賽禱凡正祠一歲二十二原廟一歲十二祠有閏加一祠皆用太牢月游衣冠以廟餽事之曰歲凡十二祠立秋貍婁又嘗麻八月先夕饋殯皆一太牢皇帝會諸侯酎金廟中以上計儀設九賓陪位它祠無有十月嘗稻又飲烝二太牢十一月嘗文臧詳未十二月臘二太牢十二月擊牛飲酌無飯故先夕餽殯文帝所加以正月日作酒八月成



名曰酎酒園廟一歲四祠皆太牢七月歲事十二月歲事臘

以亥日初歲椒酒凡四祠皆太牢凡一歲大祠五十二小祠

千一百

韋元成傳曰祭於寢月祭於廟時祭於便殿寢日四

諸帝后各有寢園一歲祠上食二萬四千四百五十五用衛

士四萬五千一百二十九人祝宰樂人萬二千一百四十七

人養犧牲卒不在數中

八月酎車駕少牲牛以繡衣之皇帝暮親牲以

鑑遂取水於月以火燧取火於日爲明水火左袒以水沃牛

右肩手執鸞刀以切牛毛血薦之而卽更衣中侍上熟行禮

齋日四法食丈二尺拒案以陳三十六肉六氣穀飯贊饗一

人秩六百石主贊天子太祝令主薦酒太牢令主饌陳太常

主導贊烝舉廟中非法八月諸侯王酎金助祭以九太牢用

豚八百枚鉶羹三百雞鳧鴈魚皆于枚賜中都官吏卒以丁

廟旁牛四十頭助供樂用三千四百二十八人祠立九旗於庭下功臣四十人食堂下西階南凡上堂上後房中婦子祠用禾稷長八尺廣八寸深四寸凡八十一祭御僕媵公祭於廟門外塾上用壺酒四脰骨藥西箱歌秦海龜龍舞武德文始五行

後漢光武建武二年正月立高廟於雒陽

漢舊儀曰故孝武廟古今注曰於雒

陽校官立之

四時禘祀高帝爲太祖文帝爲太宗武帝爲世宗如

舊餘帝不祀四時春以正月夏以四月秋以七月冬以十月及臘一歲五祀靈帝時京都四時所祭高廟五主世祖廟七主成帝三陵追尊后三陵凡牲用十八太牢古不墓祭漢諸陵皆有園寢承秦所爲也廟以藏主以四時祭寢有衣冠几

杖象生之具以薦新物秦始出寢起於墓側漢因而弗改故陵上稱寢殿起居衣服象生人之具古寢之意也建武以來關西諸陵以轉久遠但四時特牲祠帝每幸長安謁諸陵乃太牢祠自雒陽諸陵至靈帝皆以晦望二十四氣伏臘及四時祠廟日上飯大官送用物園令食監典省其親陵所宮人隨鼓漏理被枕具盥水陳屐具

魏初高堂隆云案舊典天子諸侯月有祭事其孟則四時之祭也三牲黍稷時物咸備其仲月季月皆薦新之祭也大夫以上將之以羔或加以犬而已不備三牲也士以豚庶人則唯其時宜魚鴈可也皆有黍稷禮器云羔豚而祭百官皆足太牢而祭不必有餘羔豕則薦新之禮也太牢則時祭之禮

也詩云四之日其蚤獻羔祭韭周之四月則夏之二月也月  
令仲春天子乃獻羔開冰季春之月天子始乘舟薦鮪仲夏  
之月天子乃嘗魚咸薦之寢廟此則仲春季月薦新之禮也  
蜀譙周禮祭集志曰天子之廟始祖及高曾祖考皆月朔加  
薦以象平生朔食也謂之月祭祫之廟無月祭也凡五穀成  
熟珍物新成天子以薦宗廟禮未薦不敢食新孝敬之道也  
其月朔薦及臘薦薦新皆奠無尸故羣廟皆一朝之間盡畢  
晉咸甯五年十一月己酉弘訓羊太后崩宗廟廢一時之祀

太元十一年九月皇女亡及應烝祠中書侍郎范甯奏案喪  
服傳有死宮中者三月不舉祭不別長幼之與貴賤也皇女  
雖嬰孩臣竊以爲疑於是尙書奏使三公行事

宋四時祭祀將祭必先夕牲皇帝散齋七日致齋三日百官  
掌事者亦如之致齋之日御太極殿幄坐服絳紗袍黑介幘

通天金博山冠祠之日車駕出百官應齋從駕畱守填先置者各依宣攝從事上水一刻皇帝著平冕龍袞服升金根車到廟北門理禮謁者各引太樂令太常光祿勳三公等皆入在位皇帝降車入廟脫舄盥及洗爵訖升殿初獻奠爵樂奏大祝令跪讀祝文訖進奠神坐前皇帝還本位博士引太尉亞獻訖謁者又引光祿勳終獻皇帝不親祠則三公行事而太尉初獻太常亞獻光祿勳終獻元嘉六年七月太學博士徐道娛上議曰伏見太廟烝嘗儀注皇帝行事畢出便坐三公已上獻太祝送神於門然後至尊還拜百官贊拜乃退謹尋清廟之道所以肅安神也禮曰廟者貌也神靈所馮依也事亡如存若常在也既不應有送神之文自陳豆薦俎車駕

至止並弗奉迎夫不迎而送送而後辭闇短之情實用未達  
判博士江逮議在始不迎明在廟也卒事而送節孝思也若  
不送而辭是舍親也辭而後送是遣神也故孝子不忍違其  
親又不忍遣神是以祝史送神以成烝嘗之義博士賀道期  
議樂以迎來哀以送往祭統迎牲而不迎尸詩云鐘鼓送尸  
鄭云尸神象也與今儀注不迎而後送若合符契今眾議不  
一宜遵舊禮詔可

齊武帝永明九年詔太廟四時祭薦宣皇帝起麪餅鴨臠孝  
皇后筍鴨卵脯醬炙白肉高皇帝肉膾菹羹昭皇后茗糲炙  
魚皆所嗜也先時帝夢太祖謂己宋氏諸帝常在太廟從我  
求食可別爲吾致祠乃命豫章王妃庾氏四時祠二帝二后

於清溪故宅牲牢服章皆如家人禮

司馬光曰昔屈到嗜芟屈建去之以爲不可以

以欲于國之典況子爲天子而以庶人之禮祭其父違禮甚矣  
成公欲祀相甯武子猶非之而況降祀祖考於私宮使庶婦尸之乎

梁武帝宗廟四時及臘一歲五享天監十六年詔曰夫神無常饗饗於克誠所以西隣禴祭實受其福宗廟祭祀猶有牲牢無益至誠有累冥道自今四時烝嘗外可量代八座議以大脯代一元大武八座又奏旣停宰殺無復省牲之事請立省饌儀其眾官陪列並同省牲帝從之又詔今雖無復用腥猶有脯修之類卽之幽明義猶未盡可更詳定悉薦時蔬左丞司馬筠等參議大餅代脯餘悉用蔬菜帝從之又舍人朱異議二廟祀相承止有一鉶羹蓋祭祀之禮應有兩羹相承

止於一鉶卽禮爲乖請加熬油尊羹一鉶帝從之於是至敬殿景陽臺立七廟坐月中再設淨饌自是訖於臺城破諸廟遂不血食

陳制一歲五祠謂春夏秋冬臘也每祭共以一太牢始祖以三牲首餘唯骨體而已

北魏天興二年冬十月平文昭成獻明廟成歲五祭用二至二分臘牲用太牢常遣宗正兼太尉率祠官侍祀又立神元思帝平文昭成獻明五帝廟於宮中歲四祭用正冬臘九月牲用馬牛各一太祖親祀宮中又於雲中及盛樂神元舊都祀神元以下七帝歲三祭正冬臘用馬牛各一祠官侍祀太和六年將親祀七廟有司案舊章並採漢魏故事撰爲親拜



之儀帝乃親祭其後四時常祀皆親之十六年詔曰夫四時  
享祀人子常道然祭薦之禮貴賤不同故有邑之君祭以首  
時無田之祀薦以仲月況七廟之重而用中節者哉自頃烝  
嘗之禮屬遵舊義今將仰遵遠式以此孟月時禴於太廟但  
朝典初設眾務殷湊無遑齋潔遂及於今又接神享祖必須  
擇日今禮律未宣有司或不知此可敕太常令尅日以聞  
北齊制春祠夏禴秋嘗冬烝皆以孟月凡四祭每祭室一太  
牢武成帝始以皇后亞獻清河中定令四時祭廟及元日廟  
庭並設庭燎二所

後周之制其四時祭各於其廟亦以皇后亞獻其儀與北齊  
同所異者皇后亞獻訖又薦加豆之遵其實菱芡芹菹兔醢

冢宰終獻訖皇后親徹豆降還版位然後太祝徹焉

隋四時之祭各以太牢四時薦新於太廟有司行事而不出神主祔祫之禮並准時享

唐四時各以孟月享太廟室各用一太牢若品物時新堪進

御者有司先送太常令尚食相知簡擇務令潔淨仍以滋味

與新物相宜者配之太常卿及少卿一人奉薦太廟卿及少卿有故

以上攝有司行事不出神主仲春薦冰亦如之凡國陵之

制皇祖以上至太祖陵皆朔望上食元日冬至寒食伏臘社

各一祭皇考陵朔望及節祭而日進食又薦新於諸陵其物

五十有六品始將進御所司必先以送太常與尚食滋味薦

之如宗廟景龍二年太常博士彭景直上言案譙周祭志天

子始祖高祖曾祖祖考之廟皆月朔加薦以象平生朔食謂之月祭二祧之廟無月祭則古皆無日祭者今諸陵朔望食則近於古之殷事諸節日食近於古之薦新鄭注禮記殷事月朔半薦新之奠也又既大祥卽四時焉此其祭皆在廟近代始以朔望諸節祭陵寢唯四時及臘五享廟考經據禮固無日祭於陵請停如禮疏奏不允元宗時定開元禮天子親祠者孟春孟夏孟秋孟冬臘享于太廟天寶三載詔頃四時有事于太廟兩京同日告享雖卜吉辰俱遵上日而義深如在禮或有乖自今以後兩京宜各別擇吉日告享貞元九年太常博士韋彤裴堪等議曰謹案禮經前代故事宗廟無朔望祭食之儀園寢則有朔望上食之禮國家自貞觀至開元

修定禮令皆遵舊典至天寶十一載閏三月初別令尙食朔望進食于太廟自太廟以下每室奠饗其進奠之儀內官主之在臣禮司並無著令或云當時祀官王璵不本禮意妄推緣生之義請用宴私之饌此則可薦于寢宮而不可瀆于太廟又祭義曰祭不欲數數則煩煩則不敬祭不欲疏疏則怠怠則忘今陵寢每月二祭不爲疏也太廟每歲五享不爲數也則人臣執事在疏數之間得盡其忠也若令牲牢俎豆之司更備膳羞盤盂之饌朔日月半將以爲常環四時之中雜五享之禮爲數旣甚黷亦隨之伏願陛下遵開元萬代之則省天寶權宜之制陵寢之上得極珍羞宗廟之中請依正禮元和十四年太常丞王涇疏言今朔望上食于寢陵循秦漢

故事斯爲可矣若朔望上食于太廟豈非用嘗饔味而貴多品乎且非禮所謂至敬不饗味而貴氣臭也況祭器不設俎豆祭官不命三公執事者唯宮闈令與宗正卿而已謂之上食可也安得以爲祭乎且時饗于太廟有司攝事祝文曰孝曾孫皇帝臣某謹遣太尉臣名敢昭告于高祖神堯皇帝祖妣太穆皇后竇氏時維孟春永懷罔極謹以一元大武柔毛剛鬣明粢薌合薌其嘉蔬嘉薦醴齊敬修時饗以申追慕尙饗此祝詞也前饗七日質明太尉誓百官于尙書省曰某月某日時享于太廟各揚其職不供其事國有常刑凡陪享之官散齊四日致齊三日然後乃可以爲祭也貞觀開元禮並無太廟上食之禮以禮斷情罷之可也至若陵寢上食探國

語禮記曰祭月祭之詞因秦漢之制循而存之以廣孝道也  
中書舍人武儒衡議曰謹案開元禮太廟九室每年惟五享  
六告祭用牲牢俎豆而已劉歆祭議曰大禘則終王壇墠則  
歲貢二祧則時享高曾則月祀祖禰則日祭國語云王者日  
祭月享時類歲祀此則往古之明徵國朝之顯據蓋日祭者  
薦新也言物有可薦則薦之不必擇時也故叔孫通云古有  
當果今櫻桃方熟可以爲獻由是惠帝取以薦宗廟是不卜  
日矣月享者告朔也論語子貢欲去告朔之餼羊孔子以爲  
不可則告朔必具牲牢明矣春秋又譏閏月不告朔猶朝于  
廟此則月祭殷周已降皆有之也薦園寢者始于秦代漢氏  
因之而又改人君三年之制以日易月喪紀旣以二十七日

而除則朔望奠醑不復親執故既葬之後移之園陵又諸陵  
祠殿月遊衣冠取象平生務從豐潔所以陵寢朔望上食與  
太廟日祭月享本旨不同夫陵廟近也親親也朔望奠獻宜  
備常膳宗廟遠也尊尊也諦飴時享宜遵古制惟太廟望祭  
無所本據臣以爲宜罷事竟不行

宋宗廟之禮每歲以四孟月及季冬凡五享朔望則上食薦  
新味親郊封祀又有朝享告謝及新主祔謁皆大祀也二薦  
則行一獻禮太平興國二年十二月太常禮院言今月二十  
三日臘享太廟緣孟冬已行時享冬至又嘗親祀案禮每歲  
五享其禘祫之月卽不行時享慮成煩數有爽恭虔今請罷  
臘日薦享之禮淳化三年十月八日太常禮院言今年冬至

親祀南郊前期朝享太廟及奏告宣祖太祖室常例每遇親祀設朔望兩祭又行奏告之禮煩則不恭又十一月二十日皇帝朝享去臘享日月相隔未爲煩數欲望權停是月朔望之祭其臘享如常儀從之大中祥符八年兼宗正卿趙安仁言準詔以太廟朔望上食品味令臣詳定望自今委御廚又親享廟日所上牙盤例參以四時珍膳選上局食手十人赴廟饌造上副聖心式表精慤詔所上食味委宮闈令監造訖安仁省視之慶厯三年御史蔡稟言周制四時享親之禮有九今寺觀則車駕一歲再臨未嘗薦獻宗廟非奉先教民意帝謂輔臣曰三歲一祠郊廟而賁及天下若歲親行之則人有覲賞之心朕朝夕奉三聖御容於禁中未嘗敢怠也景祐



三年禮官請每歲春孟月薦蔬以韭以菰配以卵仲月薦冰  
季月薦蔬以筍果以含桃夏孟月嘗麥配以彘仲月薦果以  
瓜以來禽季月薦果以芡以菱秋孟月嘗栗嘗稌配以雞果  
以棗以梨仲月嘗酒嘗稻蔬以菱筍季月嘗豆嘗蕎麥冬孟  
月羞以兔果以栗蔬以諸蓂仲月羞以雁以麋季月羞以魚  
凡二十八種所司烹治自彘以下令御廚於四時牙盤食烹  
饌卜曰薦獻一如開寶通禮呂公綽傳故事薦新諸物禮官  
議定迺薦或後時陳敗公綽探  
月令諸書以四時新物  
及所當薦者配合爲之元豐元年詳定所言古者薦新於廟  
之寢無尸不卜曰不出神主奠而不祭近時擇日而薦非也  
請自今孟春薦韭以卵羞以葑仲春薦冰季春薦筍羞以含  
桃孟夏嘗麥以彘仲夏嘗雛以黍羞以瓜季夏羞以芡以菱

孟秋嘗栗與稷羞以棗以梨仲秋嘗麻嘗稻羞以蒲季秋嘗  
菽羞以兔以栗孟冬羞以雁仲冬羞以麇季冬羞以魚今春  
不薦鮓誠爲闕典請季春薦鮓無則闕之舊有林檎蕎麥諸  
菓之類及季秋嘗酒並合刪去凡新物及時出者卽日登獻  
旣非正祭則不當卜日漢儀嘗韭之屬皆於廟而不在寢故  
韋元成傳以爲廟歲二十五祠而薦新在焉自漢至於隋唐  
因仍其失薦新雖在廟然皆不出神主今出神主失禮尤甚  
請依五禮精義但設神主仍候廟成薦新於寢詔依所定如  
鮓闕卽以魴鯉代之三年詳定郊廟奉祀禮文所言祠禴烝  
嘗之名春夏則物未成而祭薄秋冬則物盛而祭備故許慎  
以品物少文詞多爲祠而王弼以禴爲祭之薄何休謂祈穀

成者非一黍先熟可得薦故曰嘗冬萬物畢成所薦眾多故曰烝故禮記以嘗爲大嘗周禮以烝爲大烝孔安國亦以烝嘗爲大享今太廟四時雖有薦新而孟享禮料無祠禴烝嘗之別伏請春加韭卯夏加麥魚秋加黍豚冬加稻雁當饋熟之節薦於神主其籩豆於常數之外別加時物之薦豐約各因其時以應古禮從之八年太常寺言故事山陵前宗廟輟祭享朔望以內臣行薦食之禮俟耐廟畢仍舊今景靈宮神御殿已行上食太廟朔望薦食自當請罷從之徽宗大觀四年議禮局言案太廟儀注春夏用犧尊象尊秋冬用罍尊壺尊各二已應周禮司尊彝之義又每享各用大尊二則是以追享朝享之尊施之於禴祠烝嘗矣其爲失禮明甚請自今

四時享太廟不用大尊政和四年比部員外郎何天衢言今太廟薦新有與朔祭同日者夫朔祭之禮行於一月之首不可易也若夫薦新則未嘗卜日一月之內皆可薦也新物未備猶許次月薦之亦何必同朔日哉自是薦新偶與朔祭同日詔用次日焉紹興二十七年六月戊午初命太廟冬享祭功臣臘享祭七祀祫享兼之光宗紹熙五年閏十月時甯宗已卽位浙東提舉李大性言竊觀紹興七年侍從臺諫禮官詳定明堂典禮其大略云居喪皆得見宗廟近者合宮展祀陛下止詣明堂殿然臣之愚竊謂與淳熙十五年事體不同又況漢文以來皆卽位而謁廟陛下龍飛已三越月未嘗一至宗廟行禮變與屢出過太廟門不入揆之人情似爲闕典乞與二

三大臣議之早行擇日恭謝太廟少見祇肅宗廟之意於是詔遵用三年之制其朝謁太廟委有妨礙

孫洙曰漢四時車駕別出享廟及八月飲酎以盡孝思唐禮有親享之儀而一世不過再三國家每歲四孟及季冬凡五享三年一飴五年一禘皆有司侍祠天子未嘗親事唯三歲親郊一行告廟之禮而神御殿酌獻一歲徧焉是失禮經之意循近世之失也

遼天顯五年七月戊子薦時果于太祖廟六年七月壬子薦時果于太祖廟應歷十三年七月乙丑薦時羞于太廟太康七年六月甲子詔月祭觀德殿歲寒食諸帝在時生辰及忌日詣景宗御容殿致奠

案遼諸帝于宗廟有新必薦有事必告有祭必親奉先思孝于是在後

金正隆二年二月辛丑初定太廟時享牲牢禮儀天德二年  
命有司議薦新依典禮合用時物令太常卿行禮正月鮪明  
昌間用牛魚無則鯉代二月雁三月韭以卵以葑四月薦冰  
五月荀蒲羞以含桃六月彘肉小麥仁七月嘗雛雞以黍羞  
以瓜八月羞以茨以菱以栗九月嘗栗與稷羞以棗以梨十  
月嘗麻與稻羞以兔十一月羞以麕十二月羞以魚從之大  
定三年有司言太廟每歲五享若復薦新似涉繁數擬遇時  
享之月以所薦物附于遵豆薦之以合古者祭不欲數之義  
制可十年正月詔宰臣曰古禮殺牛以祭後世有更者否其  
檢討典故以聞有司謂自周以來下逮唐宋祫享無不用牛  
者唐開元禮時享每室各用太牢一至天寶六年始減牛數

太廟每享用一犢宋政和五禮新儀時享太廟親祠用牛有司行事則不用宋開寶二年詔昊天上帝皇地祇用犢餘大祀皆以羊豕代之合二羊五豕足代一犢今三年一祫乃爲親祀其禮至重每室一犢恐難省減遂命時享與祭社稷如舊若親祀宗廟則共用一犢有司行事則不用十一年十一月丙戌朝享于太廟二十六年以內外祖廟不同定擬太廟每歲五享山陵朔望忌辰及節辰祭奠並依前代典故外衍慶宮自來車駕行幸遇祖宗忌辰百官行禮並諸京祖廟節辰忌辰朔望拜奠雖無典故參酌擬合依舊以盡崇奉之意從之

元國俗舊禮每歲太廟四祭用司煙監官一員名蒙古巫祝

當省牲時法服同三獻官升殿詣室戶告牖還至牲所以國語呼累朝帝后名諱而告之明旦三獻禮畢獻官御史太常卿博士復陞殿分詣各室蒙古博兒赤跪割牲太僕卿以朱漆盂奉馬乳酌奠巫祝以國語告神訖太祝奉祝幣詣燎位獻官以下復版位載拜禮畢至元二十九年始命每月薦新孟春鮪野雉仲春雁天鵝季春封韭鴨雞卵孟夏冰羔羊仲夏櫻桃竹筍蒲筍羊季夏瓜豚大麥飯小麥麴孟秋雛雞仲秋菱芡栗黃鼠季秋梨棗黍梁鷩老孟冬芝蔴兔鹿稻米飯仲冬麕羝馬季冬鯉黃羊塔刺下花其每月配薦羊羔炙魚饅頭饊子西域湯餅圓米粥砂糖飯羹乳酪馬湏及春秋圍獵始獲之物凡大祭祀尤貴馬湏將有事敕太僕司拘馬官



奉尚飲者革囊盛送焉其馬牲既與三牲同登於俎而割奠之饌復與遵豆俱設將奠牲盤耐馬湏則蒙古太祝升詣第一座呼帝后神諱以致祭年月日數牲齊品物致其祝語以次詣列室皆如之禮畢則以割奠之餘撒於南櫺星門外名曰拋撒茶飯蓋以國禮行事尤其所重也始至元初金太祝魏友諒者仕於朝詣中書言太常寺奉祀宗廟禮不備者數事禮部移太常考前代典禮以勘友諒所言皆非是由是禮官代有討論割奠之禮初惟太常卿設之桑哥爲初獻乃有三獻等官同設之儀博士議曰凡陳設祭品實尊罍等事獻官皆不與也獨此親設之然後再升殿恐非誠懇專一之道且大禮使等官尤非其職大樂署長言割奠之禮宜別撰樂

章博士議曰三獻之禮實依古制若割肉奠葡萄酒馬湏別撰樂章是又成一獻也又議燔膋脾與今燒飯禮合不可廢形鹽糗餌粉飴飽食糝食非古雷鼓路鼓與播鼗之制不同攝祀大禮使終夕堅立無其義知禮者皆有取於其言至大元年春正月皇太子言薦新增用影堂品物羊羔炙魚饅頭饌子西域湯餅圓米粥砂糖飯羹每月用以配薦至大四年翰林院移署舊尚書省有旨月祭中書平章完澤等言祭祀非小事太廟歲一祭執事諸臣受戒誓三日乃行事今此輕易非宜舊置翰林院御容春秋二祭不必增益制若曰可至治元年正月丙戌始以四孟月時享親祀大室禮成坐大次謂羣臣曰朕纘承祖宗丕緒夙夜祇慄無以報稱歲惟四祀

使人代之不能致如在之誠實所未安自今以始歲必親祀

以終朕身

拜住傳至元十四年始建太廟於大都至是四十年親饗之禮未暇講肄拜住奏曰古云禮樂百年

而後與郊廟祭享此其時矣帝悅曰朕能行之預敕有司以親享太室儀注禮節一遵典故毋擅增損

三年十

二月太常院臣言世祖以來太廟歲惟一享先帝始復古制

一歲四祭請裁擇之帝曰祭祀大事也朕何敢簡其禮命仍

四祭致和元年正月甲戌享太廟乙亥御史鄒惟享言時享

太廟三獻官舊皆勳戚大臣而近以戶部尚書爲亞獻人既

疏遠禮難嚴肅請仍舊制以省臺樞密宿衛重臣爲之至元

六年六月監察御史呈嘗聞五行傳曰簡宗廟廢祭祀則水

不潤下近年雨澤愆期四方多旱而歲減祀事變更成憲原

其所致恐有感召古者宗廟四時之祭皆天子親享莫敢使

有司擬也蓋天子之職莫大於禮禮莫大於孝孝莫大於祭  
世祖皇帝自新都城首建太廟可謂知所本矣春秋之法國  
君卽位逾年改元必行告廟之禮伏自陛下卽位以來于今  
七年未嘗躬詣太廟似爲闕典方今政化更新並遵舊制告  
廟之典禮宜親享時帝在上都臺臣以聞奉旨若曰俟到大  
都親自祭也九月二十七日中書省奏以十月初四日皇帝  
親祀太廟制曰可

張溥曰作史者曰元之五禮唯祭祀稍近古而郊廟親享  
文嘗不備至大德九年乃定親享太廟則自至大二年始  
改號幾十年而典祀方舉則其荒于禮也久矣

明洪武元年定宗廟之祭每歲四孟及歲除凡五享學士陶

安等言古者四時之祭三祭皆合享于祖廟惟春祭于各廟  
自漢而下廟皆同堂異室則四時皆合祭今宜倣近制合祭  
於第一廟庶適禮之中無煩瀆也太祖命孟春特祭于各廟  
三時及歲除則祫祭于德祖廟二年令時物先薦宗廟然後  
進御每月朔望薦新品物皆太常卿供事其在月薦之外者  
太常卿奉旨與內史監官各服常服捧獻不行禮薦新品物正月韭菜  
四斤生菜四斤薺菜四斤雞子二百六十箇鴨子二百四十  
箇二月芹菜三斤薺菜五斤冰蓼蒿五斤子鵝二十隻三  
月茶筍一十五斤鯉魚二十五斤四月櫻桃十斤杏子二十  
斤青梅二十斤王瓜五十箇雄雞十五隻猪一口五月桃子  
十五斤李子二十斤茄子二十斤夏至李子二十斤紅豆一斗沙糖一斤  
八兩來禽十五斤茄子一百五十箇大麥仁三斗小麥三斗  
十斤嫩雞三十五隻六月蓮蓬二百五十箇甜瓜三十箇西  
瓜三十箇冬瓜三十箇七月梨子二十斤葡萄二十斤梨二  
十斤鮮菱十五斤芡實十斤雪梨二十斤八月藕四十枝芋  
苗二十斤菱白二十斤嫩薑二十五斤粳米三斗粟米三斗

稷米三斗鰾魚十五斤九月橙子二十斤栗子二十斤小紅  
豆三斗沙糖一斤八兩鰾魚十五斤十月柑子二十五斤橘  
子二十五斤山菜二十斤兔十五隻蜜一斤八兩十一月甘  
蔗一百三十根鹿一隻雁十五隻蕎麥麩三十斤紅豆一斗  
沙糖一斤八兩十二月菠菜十五斤芥  
菜五斤鰾魚十五斤白魚十五斤  
凡遇四方別進新物在

月薦之外者太常卿奉旨與內使監官各常服捧獻於太廟  
是日先報直廟內使闢廟門燃香燭啟神櫬太常卿捧獻於  
德祖元皇帝神位前內使監官捧獻於德祖元皇后神位前  
不行禮獻畢內使斂櫬各廟儀同是年詔太廟祝文止稱孝  
子皇帝不稱臣凡遺皇太子行禮止稱命長子某勿稱皇太  
子後稱孝元孫皇帝又改稱孝曾孫嗣皇帝初太廟每室用  
幣一二年從禮部議用二白緇又從尚書崔亮奏作圭瓚三  
年禮部尚書崔亮言孟月者四時之首因時變致孝思故備

三牲黍稷品物以祭至仲季之月不過薦新而已既行郊祀則廟享難舉宜改從舊制其清明等節各備時物以薦從之嘉靖十年春正月乙未特享太廟正太祖南向位初太祖立四親廟德懿熙仁同宮異廟各南向孟春特享于羣廟三時合祭于德祖廟序用昭穆後改建太廟同堂異室亦各南向四孟及歲除俱各祭于中室仍序昭穆如初罷特享禮至英宗升祔九室悉備憲宗將祔用禮官議祧懿祖孝宗祔祧熙祖武宗祔祧仁祖獨德祖不祧時享則太祖太宗以下俱東西向至是帝諭張孚敬曰朕欲自今春享奉太祖居中太宗而下各居一室行特享禮三時仍聚羣廟于太祖之室昭穆相向行時祫禮季冬中旬並享太廟親王功臣配食兩廡以

存太祖當代之制歲暮節祭行于奉先殿世廟止行四時之  
享歲暮祭于崇先殿庶祭義明而萬世可行也十五年秋罷  
中元節內殿之祭著爲令先是上諭禮部尙書夏言曰春清  
明秋霜降二節于陵前祭甚合禮今中元亦有陵祭內殿其  
勿瀆可也言對曰中元係是俗節事本不經陵事既有遣官  
而內殿又有祭祀事涉煩數上從之十七年定享祫禮凡立  
春特享親祭太祖遣大臣八人分獻諸帝內臣八人分獻諸  
后立夏時祫各出主于太廟太祖南向成祖西向序七宗之  
上仁宣英憲孝睿武宗東西相向秋冬時祫如夏禮二十四  
年重建太廟成奉睿宗升祔而罷睿宗廟祭時享于正殿則  
太祖仍居中南向成祖而下以序東西相向孟春仍于上旬



擇日孟夏孟秋孟冬仍用朔日俱合享祫祭仍以歲除日凡  
儀節俱如舊隆慶元年孟夏時享以世宗几筵未撤遵正德  
元年例先一日帝常服祭告几筵祇請諸廟享祀其後時享  
於祭在大祥內者皆如之奉先殿洪武三年建每日朝脯帝  
及皇太子諸王二次朝享皇后率  
嬪妃日進膳羞諸節致祭又錄皇考妣忌日歲時享祀以爲  
常宣德元年奉太宗神廟畢復遣鄭王瞻埈詣奉先殿設酒  
果祭告奉安神位天順七年奉孝恭皇后神廟畢帝還行奉  
安神位禮略如神廟儀弘治十七年吏部尚書馬文升言南  
京進鮮船本爲奉先殿設輓夫至于千人沿途悉索今揚徐荒  
早願做古凶年殺禮之意減省以延民困命所司議行之嘉  
靖十四年定內殿之祭并禮儀清明中元聖誕冬至正旦有  
祝文樂如宴樂兩宮壽旦皇后并妃嬪生日皆有祭無祝文  
樂立春元宵四月八日端陽中秋重陽十二月八日皆有祭  
用時食舊無祝文今增告詞舊儀但一室一拜至中室跪祝  
畢又四拜焚祝帛今就位四拜獻帛爵祝畢后妃助亞獻執  
事終獻徹饌又四拜忌祭舊具服作樂今更淺色衣去樂凡  
祭方澤朝日夕月出告同參及冊封告祭朔望行禮皆在焉  
萬曆十四年禮臣言近年皇貴妃冊封告祭奉先殿祝文執

事出內庭而祭品取之太常事體不一夫太常專主祀享而光祿則主膳羞內庭祭告蓋取象于食時上食之義也宜遵舊制凡祭告內殿無論親行遣官其祭品光祿寺供唯告文教事人親行則得之內庭遣官則暫用太常寺從之

論曰王者法象天道以制祀典霜露之感徵發自然几筵之敬隨時異名在詩小雅所謂禴祠烝嘗于公先王者乃虞夏以來羣聖人相傳之制非有周一代之創典也蓋孝子之事其親雖亡如存是故廟貌崇赫以明其尊嚴之義歲時薦享以致其親愛之誠準情酌理無敢怠亦無敢煩是謂大中之制而已秦始皇古出寢于陵漢氏因之陵旁各立園廟廟各有寢便殿于是朝晡爲之上食朔望爲之告享一歲之中饋熟薦牲約以千計巫史奔走迄無暇晷其煩瀆不經甚矣當時議禮諸儒

莫不極言其非而人主因循不決方罷而旋復豈非曲  
徇流俗之失而不達于先王制禮之原者乎建武中興  
名能復古然陵寢日月之祭猶未聞盡除也晉唐以降  
又有寒食餽粥之饗五日衣扇之薦其猥褻又甚于漢  
故後魏太和十六年嘗有詔罷之而唐元和諸禮臣亦  
以爲不根于古宜停著在史冊足爲永式嗟乎俗之流  
失久矣人主惟務晏安深宮而憚出入之勤勞是以雖  
盛禮弗克親舉傳曰祭如在祭神如神在又曰吾不與  
祭如不祭國有大故而使有司攝行其事猶之可耳若  
無故而遣使代行豈仁人孝子之所爲乎唐宋末季事  
無足採唯遼金有謁廟恭謝之儀元英宗有躬祀太室

之詔參諸前代差爲得禮至有明太祖追崇古制宗廟  
之祭雖時享必躬親行之幾三百年未嘗有改可謂扶  
流俗之蔽洗累朝之失而卓然獨信于千載之下者與